

TARIKH	SELASA, 2 APRIL 2024
AKHBAR	BERITA HARIAN
TAJUK ARTIKEL	ANWAR SEDIH RASUAH PENJAWAT AWAM MENULAR
M/S	1 & 3
BIDANG	MANAGEMENT
KATA KUNCI	MANAGEMENT



Selasa, 2 April 2024 | 22 Ramadan 1445 | Tel: 1 300 22 6787 | P: 416/10/2012 (030686) | RM2

Agong titah perangi rasuah habis-habisan

Yang di-Pertuan Agong, Sultan Ibrahim mengingatkan Ketua Pesuruhjaya Suruhanjaya Pencegahan Rasuah Malaysia (SPRM), Tan Sri Azam Baki menumpukan usaha perangi rasuah habis-habisan menandakan tempoh bulan madu sudah berakhir dan kini masa untuk menangkap 'lebah'.

Anwar sedih rasuah penjawat awam menular

Melahirkan rasa sedih dan terkesan dengan isu rasuah dan salah guna kuasa membabitkan kastam di Kargo Lapangan Terbang Antarabangsa Kuala Lumpur (KLIA) sehingga negara rugi lebih RM2 bilion, Perdana Menteri menegaskan kegiatan itu tidak seharusnya dianggap remeh kerana ia menyebabkan kerugian kepada negara.

Wadah Pembaharuan
BH
Berita Harian
Diterbitkan sejak 1957
www.bh.com.my

→ Nasional 3

PM sedih, terkesan isu salah guna kuasa kastam di KLIA

Tindakan tidak bertanggungjawab sebabkan negara kerugian berbilion ringgit

Oleh Mohd Iskandar Ibrahim
bhnews@bh.com.my

Putrajaya: Datuk Seri Anwar Ibrahim melahirkan rasa sedih dan terkesan berhubung isu rasuah dan salah guna kuasa terbaharu membabitkan penjawat awam di bahagian kargo Lapangan Terbang Antarabangsa Kuala Lumpur (KLIA), Sepang sehingga negara menanggung kerugian hampir RM2 bilion.

Perdana Menteri berkata, biarpun masalah rasuah itu membabitkan jabatan kecil di bawah Jabatan Kastam Diraja Malaysia (JKDM), ia membabitkan nilai yang besar.

"Sehingga kini dengan mendapatkan maklumat daripada badan penguat kuasa termasuk SPRM (Suruhanjaya Pencegahan Rasuah Malaysia), pimpinan dan pimpinan kanan penjawat awam, masih terhindar daripada masalah rasuah dan salah guna kuasa.

"Tetapi masih berlaku kecurangan yang bagi saya sangat mengesankan dan menyedihkan, termasuk berita baharu dari kastam," katanya pada Majlis Per-

Penguat kuasa khianat di KLIA, negara rugi RM2b

Keratan akhbar BH Sabtu lalu.

himpunan Bulanan Bersama Warga Jabatan Perdana Menteri (JPM) di sini, semalam.

Jumaat lalu, Ketua Pesuruhjaya SPRM, Tan Sri Azam Baki mendedahkan, jumlah ketirisan akibat kegiatan sindiket penyeludupan membabitkan beberapa anggota kastam di Kargo KLIA mencecah RM2 bilion bagi tempoh tiga tahun lalu.

Katanya, setakat ini 34 anggota penguat kuasa dan 27 individu serta pemilik syarikat ditahan menerusi Ops Samba 2.0 kerana melindungi dan memudahkan aktiviti penyeludupan sindiket itu.

Anggota dan pegawai penguat kuasa berusia 30 hingga 50 ditahan dipercayai menerima lebih RM4.7 juta daripada sindiket bagi memudahkan kegiatan penyeludupan tambakau kunyah, rokok, arak, produk kesihatan dan alat ganti kenderaan.

Tindakan rugikan negara

Mengulas lanjut, Anwar yang juga Menteri Kewangan berkata, ada pihak masih meremehkan isu rasuah, namun terlupe bahawa tindakan itu boleh meny-

babkan kerugian besar kepada negara.

"Bayangkan jika ini berlaku dengan ketirisan minyak diesel, minyak makan (masak) diambil kalangan tertentu, jika kita kumpul semua, kita boleh selamatkan puluhan bilion ringgit," katanya.

Dalam pada itu, Anwar berkata, langkah reformasi awal dilaksanakan kerajaan membuah hasil bukan sahaja dari sudut peningkatan pelaburan, malah Malaysia menerima pengiktirafan dari negara luar mengenai kesungguhan kerajaan, penjawat awam dan sektor awam melaksanakan program perubahan.

Langkah itu termasuk pengubahan Akta Kewangan Awam dan Tanggungjawab Fiskal (FRA) 2023 yang menjadikan kerajaan lebih berdisiplin dalam fiskal dan ekonomi negara diurus dengan lebih baik.

"FRA itu bermakna Menteri Kewangan mengambil keputusan menyerahkan sebahagian tugasnya supaya dipantau secara langsung oleh Parlimen, dia tidak terlepas seperti biasa. Itu sebab saya lakukan, kerana ini juga bantu menambah keyakinan kepada masyarakat, pelabur domestik dan luar negara," katanya.

Belliau juga berkata, negara tidak dapat diselamatkan daripada hutang yang tinggi sekiranya tidak diperbetulkan pengurusan kewangan, defisit tidak dikurangkan dan pengurusan belanjawan tidak dilakukan secara lebih berhemah.

DISEDIAKAN OLEH	PN NOR SURIANI BINTI MOHD ZIN (S44), BPM
-----------------	--